



BOSNA I HERCEGOVINA
Federacija Bosne i Hercegovine
Kanton Sarajevo
Grad Sarajevo
OPĆINA NOVI GRAD SARAJEVO
- OPĆINSKI NAČELNIK -

Na osnovu Odluke o stipendiranju učenika i studenata sa područja Općine Novi Grad Sarajevo ("Službene novine Kantona Sarajevo" broj:34/01), Pravilnika o stipendiranju učenika i studenata sa područja Općine Novi Grad Sarajevo broj:02/06-04-21356/25 od 12.09.2025. godine, člana 9. i 14. Odluke o organizaciji Jedinstvenog općinskog organa uprave Općine Novi Grad Sarajevo («Službene novine Kantona Sarajevo», broj: 6/17), Strategije razvoja Općine Novi Grad Sarajevo 2021-2027.godine («Službene novine Kantona Sarajevo», broj:26/22), Budžeta Općine Novi Grad Sarajevo za 2025. godinu /tekući transfer za stipendiranje učenika i studenata - ekonomski kod 614200/GCA06/ ("Službene novine Kantona Sarajevo" broj: 14/25), na prijedlog Službe za obrazovanje, kulturu i sport broj: 02/06-34- 22731/25, Općina Novi Grad Sarajevo objavljuje:

K O N K U R S
za stipendiranje učenika i studenata sa područja Općine Novi Grad Sarajevo
za školsku 2025/2026. godinu

1. Pravo učešća na konkursu imaju redovni učenici javnih ustanova srednjih škola i redovni studenti javnih visokoškolskih ustanova na području BiH, koji ne obnavljaju godinu, a koji su u prethodnoj školskoj/akademskoj godini ostvarili uspjeh u školi, odnosno fakultetu/visokoškolskoj ustanovi i to:
 - a) učenici prvog razreda srednjih škola prosječnu ocjenu najmanje 4,5 iz završnog razreda osnovne škole,
 - b) učenici srednjih škola prosječnu ocjenu najmanje 4,5 iz prethodne školske godine,
 - c) učenici prvog razreda srednjih strukovnih škola – III stepen/zanati prosječnu ocjenu najmanje 3,0 iz završnog razreda osnovne škole,
 - d) učenici II i III razreda srednjih strukovnih škola – III stepen/zanati prosječnu ocjenu najmanje 3,0 iz prethodne školske godine,
 - e) studenti I godine fakulteta/visokoškolske ustanove prosječnu ocjenu najmanje 4,5 iz završnog razreda srednje škole,
 - f) studenti prvog ciklusa visokog obrazovanja po Bolonjskom procesu fakulteta grupacije tehničkih i medicinskih nauka, prosječnu ocjenu najmanje 7,5 položenih ispita iz prethodne akademske godine studija, a do navršanih 26 godina starosti,
 - g) studenti prvog ciklusa visokog obrazovanja po Bolonjskom procesu ostalih fakulteta, prosječnu ocjenu najmanje 8,0 položenih ispita iz prethodne akademske godine studija, a do navršanih 26 godina starosti,
 - h) studenti I godine drugog ciklusa visokog obrazovanja po Bolonjskom procesu prosječne ocjene najmanje 8,0 položenih ispita iz prethodne akademske godine studija prvog ciklusa, a do navršanih 26 godina,
 - i) studenti II godine drugog ciklusa visokog obrazovanja po Bolonjskom procesu prosječnu ocjenu najmanje 8,0 položenih ispita iz prve godine drugog ciklusa, a do navršanih 26 godina starosti.
2. Pravo učešća na Konkursu imaju učenici i studenti koji imaju prebivalište na području Općine Novi Grad Sarajevo, a koji ne koriste stipendiju po drugom osnovu i čija primanja po članu porodičnog domaćinstva ne prelaze 800,00 KM.

3. Od primjene prosjeka primanja po članu porodičnog domaćinstva iz stava 2. Konkursa, izuzimaju se nadareni učenici/studenti kako slijedi:
- učenici srednjih škola koji su ostvarili odličan uspjeh u prethodnoj školskoj godini sa prosječnom ocjenom 5,0
 - studenti I godine prvog ciklusa visokog obrazovanja, koji su ostvarili odličan uspjeh iz završnog razreda srednje škole sa prosječnom ocjenom 5,0
 - studenti prvog i drugog ciklusa visokog obrazovanja koji su u prethodnoj akademskoj godini ostvarili prosječnu ocjenu najmanje 9,0.
4. Od primjene stava 1. Konkursa za stipendiranje učenika i studenata za školsku 2025/2026. godinu izuzimaju se aplikanti slabijeg imovinskog stanja i otežanim uslovima života (učenici/studenti bez oba roditelja, učenici i studenti bez jednog roditelja, učenici i studenti pod starateljstvom, učenici i studenti sa teškim oboljenjima, učenici i studenti sa invaliditetom kao i učenici i studenti čiji članovi porodice su teško oboljela lica)
5. Ukoliko kandidati pri bodovanju imaju isti broj bodova, prednost će imati onaj kandidat čija su primanja po članu domaćinstva niža.
6. Stipendije se dodjeljuju za školsku /akademsku 2025/2026 godinu i isplaćivat će se za 10 mjeseci (septembar – juni). Stipendija Općine Novi Grad Sarajevo može se dodijeliti samo jednom učeniku ili studentu iz iste porodice. Visina mjesečne stipendije iznosi:
- za učenike srednjih škola 100,00 KM
 - za studente 150,00 KM
7. Podnosioci prijave na konkurs dužni su dostaviti sljedeću dokumentaciju (original ili ovjerena kopija):
- prijavu na Konkurs sa tačnom adresom, brojem kontakt telefona i ostalim traženim podacima (obraci prijava na konkurs za srednje škole, I godine studija i ostale godine studija dostupni su na info punktu Općine i web stranici Općine www.novigradsarajevo.ba),
 - izjava o saglasnosti za obradu podataka (dostupna na info punktu Općine ili na web stranici Općine www.novigradsarajevo.ba)
 - svjedočanstvo prethodno završenog razreda za učenike i studente I godine studija, a za ostale studente potvrdu sa fakulteta/visokoškolske ustanove o položenim ispitima sa prosjekom ocjena za prethodnu akademsku godinu (original ili ovjerena kopija),
 - izvod iz matične knjige rođenih (original ili ovjerena kopija),
 - uvjerenje o državljanstvu (original ili ovjerena kopija),
 - potvrdu o upisu za školsku/akademsku godinu 2025/2026 (original ili ovjerena kopija),
 - za učenike koji su ostvarili jedno od prva tri mjesta, na takmičenjima iz nastavnih predmeta; općinskog, kantonalnog, entitetskog, državnog nivoa kao i međunarodnim takmičenjima/olimpijadama, a koja organizuju nadležne institucije i Ministarstvo za odgoj i obrazovanje Kantona Sarajevo (dokaz o postignutom rezultatu)
 - ovjerena izjava da kandidat ne prima stipendiju po drugom osnovu,
 - ovjerena kućna lista, popunjena na način da sadrži sve tražene podatke za sve članove porodičnog domaćinstva. (u slučajevima kada jedan od roditelja/staratelja nije naveden na kućnoj listi potrebno je dostaviti dokument kojim se navedeno potkrepljuje: Rješenje o starateljstvu, Izvod iz matične knjige umrlih i drugi dokazi)
 - za sve punoljetne članove porodičnog domaćinstva, dokaz o primanjima ili drugom statusu (za nezaposlene /potvrda sa evidencije Službe za zapošljavanje, za penzionere/kopija čeka od penzije, Rješenje o starateljstvu kao i drugi dokazi koji se odnose na navedeno),
 - za punoljetne učenike/studente koji su sami prijavljeni na kućnoj listi potrebno je dostaviti dokaz o izvoru prihoda tokom školovanja (roditelji/stratelji, rodbina, stipendija, vlastita zarada, bračni drug i sl.)
 - za učenike i studente, kao i njihove članove porodičnog domaćinstva s teškim oboljenjima/invaliditetom i otežanim uslovima života (medicinska dokumentacija,
 - kao i drugi dokazi na oklopnosti otežanih uslova života.

8. Rok za podnošenje prijava je 21 dan od dana objave Konkursa u sredstvima informisanja i web stranici. Prijave sa dokazima o ispunjavanju uslova Konkursa se predaju putem protokola Općine Novi Grad Sarajevo, radnim danom od 07:30 do 17 h i protokolu u Centru za komunalne usluge Dobrinja od 8 do 16 h.
9. Općinski načelnik će imenovati Komisiju koja će izvrši pregled prijava i dostavljene dokumentacije, bodovanje, te utvrditi rang listu kandidata za dodjelu stipendija za školsku 2025/2026, Rang lista će biti objavljena na Oglasnoj ploči i web stranici Općine. Podnosioci prijava po konkursu mogu u roku od 8 dana od dana objave izjaviti prigovor.
10. Broj stipendija za školsku/akademsku 2025/2026 se utvrđuje zavisno od raspoloživih finansijskih sredstava u Budžetu Općine za ovu namjenu, recipročno u odnosu na ostvareni uspjeh učenika/studenta od najvećeg prosjeka ka nižem do nivoa raspoloživih sredstava u okviru limita primanja po članu domaćinstva, uključujući i učenike srednjih strukovnih škola za koje je dovoljan kriteriji prosjeka ocjena 3,0.
11. Nepotpune i neblagovremene prijave neće se uzimati u razmatranje. Dokumenti moraju biti dostavljeni u originalu ili ovjerenoj kopiji.

Sve dodatne informacije mogu se dobiti u Službi za obrazovanje, kulturu i sport Općine Novi Grad Sarajevo, kontakt telefon; 291-243 i 291-321 (soba 412) ili putem e-maila obrazovanje@novigradsarajevo.ba